

ქ. თბილისი

1. ხელშეკრულების დამდები მხარეები

ერთის მხრივ, ქალაქ თბილისის მუნიციპალიტეტის მერია (შემდგომში „შემსყიდველი“), წარმოდგენილი ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელის (ადმინისტრაციის უფროსი) ვლადიმერ ჭილაძის სახით და მეორეს მხრივ, შპს „ალტა“ (შემდგომში „მიმწოდებელი“), წარმოდგენილი მისი დირექტორის კახა ჭოველიძის სახით, საქართველოში მოქმედი კანონმდებლობის შესაბამისად და მათი გათვალისწინებით, შეთანხმდნენ შემდეგზე:

2. ხელშეკრულების (შესყიდვის) ობიექტი, შესყიდვის საშუალება, ხელშეკრულების ღირებულება და ხელშეკრულების მოქმედების ვადა

- 2.1 ხელშეკრულების (შესყიდვის) ობიექტია - A3 ფერადი და A4 შავ-თეთრი კოპირების (თანმდევი მომსახურებით - მონტაჟი) სახელმწიფო შესყიდვა. შესყიდვის ობიექტის დასახელებები, მახასიათებლები, რაოდენობები და ერთეულის ღირებულებები მოცემულია მიმწოდებლის ფასების ცხრილში, რომელიც თან ერთვის ხელშეკრულებას და წარმოადგენს მის განუყოფელ ნაწილს (დანართი 2 ფურცელი).
- 2.2 შესყიდვის საშუალება - ელექტრონული ტენდერი (აუქციონის გარეშე), განცხადების ნომერი - NAT200006214.
- 2.3 ხელშეკრულების საერთო ღირებულება შეადგენს 383139,96 (სამასოთხმოდცასამიათას ასოცდაცხრამეტი ლარი და ოთხმოცდათექვსმეტი თეთრი) ლარს, ყველა ხარჯისა და გადასახადის ჩათვლით.
- 2.4 კლასიფიკატორის კოდი: 30232110 - ლაზერული პრინტერები; 30232130 - ფერადი პრინტერები.
- 2.5 ხელშეკრულება ძალაშია 2020 წლის 15 აპრილიდან 2020 წლის 31 დეკემბრის ჩათვლით.
- 2.6 ხელშეკრულებით გათვალისწინებული მუხლები, რომლებიც ეხება საგარანტიო ვადას, ძალაშია საგარანტიო ვადის პერიოდში.

3. შესყიდვის ობიექტის მიწოდების პირობები, ვადა და ადგილი

- 3.1 შესყიდვის ობიექტის (თანმდევი მომსახურებით - მონტაჟი) მიწოდების ვადა: ხელშეკრულების ძალაში შესვლიდან არაუგვიანეს 40 (ორმოცი) კალენდარული დღე.
- 3.2 შესყიდვის ობიექტის (თანმდევი მომსახურებით - მონტაჟი) მიწოდებისა და მონტაჟის ადგილი: ქ. თბილისი, ქ. შარტავას ქ. N7.
- 3.3 თითოეულ A3 ფორმატის ფერად კოპირს კომპლექტში უნდა მოყვებოდეს შემოთავაზებული კოპირის მწარმოებლის 2 (ორი) კომპლექტი BK/C/M/Y კარტრიჯი (თითოეული კარტრიჯის რესურსი: BK: 36 000 გვერდი, C/M/Y: არანაკლებ 19 000 გვერდი) და დამატებით 1 (ერთი) კომპლექტი კოპირის მწარმოებლის დრამ კარტრიჯი BK/C/M/Y (თითოეული დრამ-კარტრიჯის ბეჭდვის რესურსი: 75 000 გვერდი) (სულ ჯამში: 2 კომპლექტი დრამ კარტრიჯი).
- 3.5 A4 ფორმატის შავ-თეთრ კოპირს კომპლექტში უნდა მოყვებოდეს 2 (ორი) ცალი კოპირის მწარმოებლის შავი კარტრიჯი, თითოეული 51 000 გვერდის ბეჭდვის რესურსით, დრამი არის ინტეგრირებული კარტრიჯში და დამატებით არ საჭიროებს.
- 3.6 შესყიდვის ობიექტის მონტაჟი უნდა განხორციელდეს მოწოდებული კოპირების მწარმოებლის სერტიფიცირებული კადრის მიერ.
- 3.7 მიმწოდებელი ვალდებულია უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან დანიშნულების ადგილამდე ტრანსპორტირების პროცესში.

4. შესყიდვის ობიექტის ხარისხი და გარანტია

- 4.1 მიმწოდებელი იღებს ვალდებულებას, რომ მიწოდებული ობიექტის ხარისხი უპასუხებს ხელშეკრულებით გათვალისწინებულ პირობებს და დააკმაყოფილებს შემსყიდველის მოთხოვნებს.
- 4.2 მიწოდებული საქონელი უნდა იყოს ახალი და უნაკლო.
- 4.3 შესყიდვის ობიექტზე კოპირის მწარმოებლის მიერ გაცემული საგარანტიო ვადა შეადგენს საბოლოო მიღება-ჩაბარების აქტის გაფორმებიდან 2 (ორი) წელს.
- 4.4 საგარანტიო ვადაში შესყიდვის ობიექტის მიერ გამოვლენილი წუნის/ხარვეზის/დეფექტის შემთხვევაში, მიმწოდებელი ვალდებულია შემსყიდველის დავალებიდან არაუგვიანეს 15 (თხუთმეტი) კალენდარული დღის ვადაში საქონელი შეაკეთოს ან შეცვალოს ახლით.
- 4.5 საგარანტიო ვადის პერიოდში შესყიდვის ობიექტის შეკეთება უნდა განხორციელდეს, კოპირის მწარმოებელი კომპანიის მიერ საქართველოში ავტორიზირებულ სერვის-ცენტრში.
- 4.6 წუნის/დეფექტის/ხარვეზის/მწყობრიდან გამოსვლის გამო შეკეთების ან ახლით შეცვლის შემთხვევაში, შესყიდვის ობიექტის ტრანსპორტირება უნდა უზრუნველყოს მიმწოდებელმა.

5. ხელშეკრულების შესრულების კონტროლი (ინსპექტირება)

5.1 შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი ან/და გამოცადონ საქონელი და გაწეული მომსახურება, რათა დარწმუნდნენ მათ შესაბამისობაში კონტრაქტით გათვალისწინებულ ტექნიკურ პირობებთან.

5.2 მიმწოდებელი ვალდებულია საკუთარი რესურსებით უზრუნველყოს ხელშეკრულების პირობების შესრულების კონტროლის (ინსპექტირების) განხორციელებისათვის აუცილებელი პერსონალისა და ტექნიკური საშუალებების გამოყოფა, ასევე უზრუნველყოს საჭირო სამუშაო პირობები. იმ შემთხვევაში, თუ შემსყიდველი ორგანიზაცია ხელშეკრულების პირობების შესრულების კონტროლის მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვითონ შემსყიდველი ორგანიზაცია.

5.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა და წუნდებული საქონლის შეცვლა.

5.4 მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განახორციელებენ ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი) ან/და ქალაქ თბილისის მუნიციპალიტეტის მერიის ადმინისტრაციის ლოჯისტიკის სამსახურის თანამშრომლები.

6. შესყიდვის ობიექტის მიღება-ჩაბარების წესი

6.1 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით.

6.2 შემსყიდველის მხრიდან მიღება-ჩაბარების აქტების გაფორმებაზე უფლებამოსილ პირს წარმოადგენს ქალაქ თბილისის მუნიციპალიტეტის მერიის ადმინისტრაციის პირველადი სტრუქტურული ერთეულის ხელმძღვანელი (ადმინისტრაციის უფროსი).

7. ანგარიშსწორება და ანგარიშსწორების ვალუტა

7.1 ანგარიშსწორება მოხდება უნაღდო ანგარიშსწორებით ლარში.

7.2 ანგარიშსწორება განხორციელდება 2020 წლის ბიუჯეტის სახსრებით, ფაქტიურად მიწოდებული შესყიდვის ობიექტისა და გაწეული მომსახურების შესაბამისად, მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

7.3 იმ შემთხვევაში, თუ ამ ხელშეკრულების მე-13 მუხლით გათვალისწინებული წესით საჯარიმო სანქციის გამოყენებასთან დაკავშირებით შეტყობინებიდან 10 (ათი) კალენდარულ დღეში მიმწოდებლის მიერ არ იქნა წარმოდგენილი საჯარიმო სანქციით დაკისრებული თანხის გადახდის დამადასტურებელი დოკუმენტი, შემსყიდველი ვალდებულია მიღება-ჩაბარების აქტით განსაზღვრული შესყიდვის ობიექტის ღირებულების ანაზღაურებისას, ხელშეკრულების პირობების დარღვევის გამო საჯარიმო სანქციით დაკისრებული თანხა შემსყიდველის მიერ დაქვითულ იქნეს, რის შემდეგაც მიმწოდებელს ჩაერიცხება დარჩენილი თანხა.

7.4 წინასწარი ანგარიშსწორება (ავანსი) არ გამოიყენება.

8. ხელშეკრულების პირობების შეუსრულებლობა

(საჯარიმო სანქციები, ფორმა, ოდენობა და გადახდის ვადები)

8.1 ფორს-მაჟორული პირობების გარდა, ხელშეკრულების დამდები მხარეების მიერ ხელშეკრულების პირობების შეუსრულებლობისა ან/და დაგვიანებით შესრულების შემთხვევაში გამოიყენება საჯარიმო სანქციები.

8.2 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულების (გარდა შესრულების ვადის დარღვევისა) შემთხვევაში მიმწოდებელს დაეკისრება ჯარიმის გადახდა ყოველ ჯერზე ხელშეკრულების ღირებულების 0,2%-ის ოდენობით.

8.3 ხელშეკრულებით ნაკისრი ვალდებულებების შესრულების ვადის გადაცილებისათვის მიმწოდებელს დაეკისრება პირგასამტეხლოს გადახდა ყოველ ვადაგადაცილებულ დღეზე ხელშეკრულების ღირებულების 0.1 %-ის ოდენობით.

8.4 ხელშეკრულების შეწყვეტის შემთხვევაში მიმწოდებელს ხელშეკრულების შესრულების უზრუნველყოფის საბანკო გარანტია ჩამოერთმევა სრულად შემსყიდველის სასარგებლოდ.

8.5 საჯარიმო სანქციით დაკისრებული თანხა გადახდილ უნდა იქნას მხარისთვის აღნიშნულის თაობაზე გადაწყვეტილების (წერილი ჯარიმის დაკისრების თაობაზე) გაცნობიდან არაუგვიანეს 10 (ათი) კალენდარული დღის ვადაში.

8.6 თუ შემსყიდველი არ ასრულებს წინამდებარე ხელშეკრულების მე-7 მუხლის 7.2 პუნქტის მოთხოვნებს, მიმწოდებელი უფლებამოსილია დააკისროს შემსყიდველს პირგასამტეხლო, მიმწოდებლისათვის ჩასარიცხი თანხის 0,02%-ის ოდენობით, ყოველ ვადაგადაცილებულ დღეზე.

8.7 საჯარიმო სანქციების გადახდა არ ათავისუფლებს ხელშეკრულების მხარეებს ძირითადი ვალდებულებების შესრულებისაგან.

9. ხელშეკრულების შეწყვეტა

9.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების ცალმხრივად შეწყვეტის შესახებ.

9.2 ხელშეკრულების დამდები მხარე, რომელიც მიიღებს ასეთ გადაწყვეტილებას, ვალდებულია შეატყობინოს მეორე მხარეს მიღებული გადაწყვეტილება, მისი მიღების საფუძველი და ამოქმედების თარიღი.

9.3 ხელშეკრულების შეწყვეტისას მხარეს შეუძლია მოითხოვოს ზიანის ანაზღაურება, რომელიც მას მიაღდა მეორე მხარის მიერ ხელშეკრულებით ნაკისრი ვალდებულების შეუსრულებლობით.

9.4 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

9.5 შემსყიდველს უფლება აქვს მიიღოს გადაწყვეტილება ხელშეკრულების ცალმხრივად შეწყვეტის შესახებ, მათ შორის შემდეგ შემთხვევებში:

ა) მიმწოდებლის მიერ ხელშეკრულებით ნაკისრი ვალდებულებების შესრულების ვადის 5 კალენდარულ დღეზე მეტი ვადით გადაცილების შემთხვევაში;

ბ) თუ შემსყიდველისთვის ცნობილი გახდა, რომ შემსყიდველი/მიმწოდებელი ვერ უზრუნველყოფს ხელშეკრულებით ნაკისრი ვალდებულებების შესრულებას;

გ) საქართველოს კანონმდებლობით გათვალისწინებულ სხვა შემთხვევებში, მათ შორის მიმწოდებლის მიერ ხელშეკრულებით ნაკისრი ვალდებულების ნებისმიერი ისეთი დარღვევის დროს, რაც შეუძლებელს ხდის ნორმალური სახელშეკრულებო ურთიერთობის გაგრძელებას, ან იწვევს შემსყიდველის ინტერესის დაკარგვას სახელშეკრულებო ურთიერთობის გაგრძელებისადმი.

9.6 ამ მუხლის 9.5 პუნქტში მითითებულ შემთხვევებში, შემსყიდველი ვალდებულია აუნაზღაუროს მიმწოდებელს ფაქტიურად მიწოდებული საქონლის ღირებულება.

10. ფორს-მაჟორი

10.1 ფორს-მაჟორი - სტიქიური მოვლენები, გაფიცვები, საბოტაჟი ან სხვა საწარმოო არეულობა, სამოქალაქო მღელვარება, ომი, ბლოკადა, აჯანყება, მიწისძვრა, მეწყერების ჩამოწოლა, ეპიდემია, წყალდიდობა და სხვა მსგავსი მოვლენები, რომელიც არ ექვემდებარება მხარეთა კონტროლს და რომელთა თავიდან აცილებაც მათ მიერ შეუძლებელია. ფორს-მაჟორად არ ითვლება მიმწოდებლის ფინანსური მდგომარეობის გაუარესება, თუ ეს ჩამოთვლილ მოვლენებთან არ არის დაკავშირებული. ამ დროს, მხარეებს შორის ხელშეკრულების შესაბამისად გადასახდელ თანხაზე ფორს-მაჟორის შემთხვევაში გათვალისწინებული შეღავათები არ ვრცელდება.

10.2 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობის და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

10.4 იმ შემთხვევაში, თუ ფორს-მაჟორული გარემოებების დადგომის გამო, იცვლება ხელშეკრულებით გათვალისწინებული რომელიმე პირობა, აღნიშნული ცვლილება უნდა გაფორმდეს მხარეთა წერილობითი შეთანხმების სახით.

11. ხელშეკრულებაში ცვლილებების შეტანა

11.1 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია შეატყობინოს მეორე მხარეს შესაბამისი ინფორმაცია. ამავე დროს, შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2 ხელშეკრულების პირობების ნებისმიერი ცვლილება (მათ შორის მხარეთა შეთანხმებით ხელშეკრულების შეწყვეტა) უნდა გაფორმდეს წერილობით - მხარეთა შეთანხმების სახით და დანართის სახით უნდა დაერთოს ხელშეკრულებას. მხარეთა წერილობითი შეთანხმება ცვლილების თაობაზე, ჩაითვლება ხელშეკრულების განუყოფელ ნაწილად.

12. ღირებულება

12.1 მიმწოდებლის მიერ შემოთავაზებული შესასრულებელი ვალდებულების ფასი წარმოადგენს ხელშეკრულების ღირებულებას.

12.2 მხარეთა შეთანხმებით დასაშვებია ხელშეკრულების ღირებულების შეცვლა.

12.3 ხელშეკრულების ღირებულებითი პარამეტრების შეცვლა დაუშვებელია, თუ ამ ცვლილებების შედეგად იზრდება ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

12.4 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

12.5 ხელშეკრულების ღირებულების შეცვლა ფორმდება მხარეთა წერილობითი შეთანხმების სახით.

13. ურთიერთობა ხელშეკრულების დამდებ მხარეებს შორის

13.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, იგზავნება საფოსტო გზავნილის სახით. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ტელეფონის, ელექტრონული ფოსტის ან ფაქსის გაგზავნის გზით. შეტყობინების ორიგინალი შემდგომში წარედგინება მეორე მხარეს უშუალოდ ან ხელშეკრულებაში მითითებულ მისამართზე საფოსტო გზავნილის გაგზავნის მეშვეობით. ამასთან, ტელეფონით დაკვეთის შემთხვევაში მიმწოდებელს 24 საათის განმავლობაში ჩართული უნდა ჰქონდეს 13.2 პუნქტში მითითებული მობილური და ქალაქის ტელეფონის ნომრები.

13.2 ტელეფონით, ელექტრონული ფოსტით ან/და ფაქსით ურთიერთობისათვის გამოყენებულ იქნება:

ა) მიმწოდებლის შემდეგი რეკვიზიტები: საკონტაქტო პირი - ალექსანდრე ქობალია, მობილური ტელეფონის ნომერი: 599 16 99 72, ელ-ფოსტა: a.kobalia@alta.ge.

ბ) შემსყიდველის შემდეგი რეკვიზიტები: საკონტაქტო პირი - სანდრო კიკაბიძე, მობილური ტელეფონის ნომერი: 595 55 65 87; ელ-ფოსტა: s.kikabidze@tbilisi.gov.ge.

13.3 ხელშეკრულებაში მონაწილე ორივე მხარე ვალდებულია, ხელშეკრულების მოქმედების პერიოდში საკონტაქტო პირ(ებ)ის ან ინფორმაციის ცვლილება წერილობითი სახით აცნობოს მეორე მხარეს.

13.4 შეტყობინება შედის ძალაში ადრესატის მიერ მისი მიღების დღეს.

14. სადაო საკითხების გადაწყვეტა

14.1 ხელშეკრულების დამდები მხარეები თანხმდებიან მასზედ, რომ ხელშეკრულების ან მასთან დაკავშირებული საკითხების ირგვლივ მათ შორის წარმოქმნილი ნებისმიერი დავა შესაძლებელია გადაწყდეს მხარეთა შეთანხმებით, ხოლო ასეთის მიუღწევლობის შემთხვევაში, დავა გადაწყდება მოქმედი კანონმდებლობის შესაბამისად საქართველოს სასამართლოს მიერ.

14.2 ზიანის ანაზღაურებასთან დაკავშირებით, გამოიყენება საქართველოს სამოქალაქო კოდექსის შესაბამისი მუხლები.

14.3 ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

15. ხელშეკრულების შესრულების უზრუნველყოფის საბანკო გარანტია

15.1 იმისათვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვის შესახებ ხელშეკრულების შეუსრულებლობის გამო, გამოიყენება გარანტირების მექანიზმის შემდეგი სახე – უპირობო, გამოუთხოვადი საბანკო გარანტია, ხელშეკრულების საერთო ღირებულების 5% - ის ოდენობით, რომელიც თან ერთვის ხელშეკრულებას.

15.2 მიმწოდებელს მისი წერილობითი მოთხოვნის საფუძველზე ხელშეკრულების შესრულების უზრუნველსაყოფად გაცემული საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმების შემდეგ.

15.3 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ორგანიზაცია ვალდებულია მიმწოდებლის მოთხოვნისთანავე დაუბრუნოს მას ხელშეკრულების შესრულების უზრუნველყოფის გარანტია.

16. სხვა პირობები

16.1 ამ ხელშეკრულებით გაუთვალისწინებელი პირობები რეგულირდება საქართველოს კანონმდებლობით.

16.2 ხელშეკრულება შედგენილია ქართულ ენაზე, ოთხ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და სამი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

16.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილი მხარეთა მიერ.

16.4 „ხელშეკრულების“ მუხლ(ებ)ი, პუნქტ(ებ)ი დანომრილია და დასათაურებულია მხოლოდ მოხერხებულობისათვის და ამ ფაქტს „ხელშეკრულების“ ინტერპრეტაციისათვის მნიშვნელობა არ ენიჭება. მუხლ(ებ)ის, პუნქტ(ებ)ის ან/და ქვეპუნქტ(ებ)ის

დასათაურებაში ან დანომვრაში ცდომილების/სხვაობის არსებობის შემთხვევაში, გამოიყენება ამავე მუხლ(ებ)ის, პუნქტ(ებ)ის ან/და ქვეპუნქტ(ებ)ის შესაბამისი შინაარსის მქონე მუხლ(ებ)ი, პუნქტ(ებ)ი ან/და ქვეპუნქტ(ებ)ი.

16.5 „ხელშეკრულების“ ტექსტში მექანიკური ან/და ტექნიკური შეცდომის ან/და ხარვეზის არსებობის შემთხვევაში „მხარეთა“ მიერ, აღნიშნული შეცდომა ან/და ხარვეზი განხილული და განმარტებული უნდა იყოს „ხელშეკრულების“ შესაბამისი წინადადების (წინადადებების) ან/და შინაარსიდან გამომდინარე. იმ შემთხვევაში, თუ აღნიშნული შეცდომა ან/და ხარვეზი არ შეესაბამება „ხელშეკრულების“ სათანადო წინადადებას/წინადადებებს ან შინაარსს, მას (ხარვეზი/შეცდომა) „ხელშეკრულების“ შინაარსის განმარტებასთან დაკავშირებით არ ექნება (არ მიენიჭება) რაიმე მნიშვნელობა.

17. მხარეთა იურიდიული რეკვიზიტები

შემსყიდველი:

მიმწოდებელი:

ქალაქ თბილისის მუნიციპალიტეტის მერია
მის: ქალაქი თბილისი,
ქ. შარტავას ქ. №7
სახელმწიფო ხაზინა
კოდი: TRESGE22
ა/ა №GE24NB0330100200165022
ს/კოდი: 204521794

ქალაქ თბილისის მუნიციპალიტეტის
მერიის ადმინისტრაციის პირველადი
სტრუქტურული ერთეულის
ხელმძღვანელი (ადმინისტრაციის უფროსი)

ვ. ჭილაძე



შპს „ალტა“
მის: ქალაქი თბილისი,
აკაკი ბელიაშვილის ქ., №104, ფართი №12
სს „თიბისი ბანკი“
ბანკის კოდი: TBCBGE22
ა/ა: №GE06TB0600000013467445
ს/კოდი: 211380691

შპს „ალტა“-ს

დირექტორი

კ. ჭოველიძე



შ.პ.ს. "ალტა"
მისამართი: ქ. თბილისი, აკაკი ბუღიაშვილის ქ. 104
საიდენტიფიკაციო კოდი: 211380691
ბანკი: TBC-ბანკი
ბანკის კოდი: TBCBGE22
IBAN ანგარიში: GE06TB0600000013467445

+995 032 2 510 111
Ext # 1043 / 1044 / 1045 / 1020
Project@alta.ge

ფასების ცხრილი

დანართი N1

#	დასახელება	მწარმოებელი კომპანია და მარკა/მოდელი	დასახელება და ტექ. მახასიათებლები (სატექნიკური დოკუმენტაციის 1.2 პუნქტში აღვსიერებული ტექნიკური დავალების მოთხოვნათა შესაბამისად)	რ-ბა	ერთ. ფასი (ლარი)	სულ თანხა (ლარი)
1	A3 ფორმატის ფერადი კოპირი (თანმდევო მომსახურება - მონტაჟი)	Canon imageRUNNER ADVANCE DX C3725i	1. ძირითადი ფუნქციები: ბეჭდვა, ასლი, სკანირება; 2. ტექნოლოგია: ლაზერული; 3. პროცესორის სიჩქარე: 1.75 Ghz ; 4. სამართავი პანელი: ეკრანი, ფერადი სენსორული, 10.1 inch ; 5. მუხისიერება: 3.0 GB RAM; 6. მყარი დისკი: 320 GB; 7. ინტერფეისის პორტები: 7.1 1000 Base T/100 Base TX/10 Base-T; 7.2 USB 2 x 2.0, 1x USB 3.0 . 8. მემსვლელი ფურცლების თარი: 8.1 2 გალი 550 ფურცლიანი მრავალმხრივი(80გსმ) , 1 უჯრას გაჩნია ავ ფურცლის მხარდაჭერა); 8.2 100 ფურცლიანი მრავალმხრივი(100მ-purpose)უჯრა (80გსმ). 9. დაბეჭდილი ფურცლების თარი: 250 sheets (A4, 80გსმ); 10. მხარდაჭერილი ფურცლის ზომები: A3, A4; 11. უჯრის მხარდაჭერილი ფურცლის წონა: 52 გრამიდან 220 გრამამდე; 12. Multi- purpose უჯრა: 52 გრამიდან 300 გრამამდე ;13. ბეჭდვა: 1.3.1 სიჩქარე: 1.3.1.1 (BW/CL) - 25 ppm (A4), 1.3.1.2 15 ppm (A3). 1.3.2 რეზოლუცია: 600dpix600dpi, 1200dpix1200dpi. 14. ბეჭდვის ენები: PCL 6, PostScript , JPF II ; 15. ორმხრივი ბეჭდვა: ავტომატური; 16. ასლი: 16.1 სიჩქარე: 16.1.1 25 ppm (A4), 16.1.2 15 ppm (A3). 16.2 რეზოლუცია: 600 dpi x 600 dpi; 16.3 მრავალი ასლი: 999 ფურცელი; 17. სკანირება: 17.1 ტიპი: DADF; 17.2 რეზოლუცია: 600 x 600 dpi ოპტიკური; 17.3 ფურცლის ზომა: A3, A4; 17.4 DADF: A3, A4; 17.5 სიჩქარე: 17.5.1 A4; 17.5.1.1 გალმხრივი სკანირება (BW&Color): 17.5.1.1.1 70 გვერდი წუთში (300dpi); 17.5.1.1.2 ფურცლების მოცულობა: DADF 100 ფურცელი (80 გსმ); 17.5.2 ორმხრივი სკანირება: 2-sided to 2- sided (ავტომატური); 18. კარტრიჯის რესურსი: BK: 36 000 გვერდი, C/M/Y: 19 000 გვერდი. თითოეულ A3 ფორმატის ფერად კოპირს კომპლექტში მოყვება მემოთავაზებული კოპირის მწარმოებლის 2 (ორი) კომპლექტი BK/C/M/Y კარტრიჯი (თითოეული კარტრიჯის რესურსი: BK: 36 000 გვერდი, C/M/Y: 19 000 გვერდი) და დამატებით 1 (ერთი) კომპლექტი კოპირის მწარმოებლის დრამ კარტრიჯი BK/C/M/Y (თითოეული დრამ-კარტრიჯი ბეჭდვის რესურსი: 75 000 გვერდი) (სულ ჯამში: 2 კომპლექტი დრამ კარტრიჯი).	17	12605.88	214299.96

2	A4 ფორმატის მავ-თეთრი კოპირი (თანმდევრი მოქსახურება მოქსახური)	Canon imageRUNNER ADVANCE 525i	1. ძირითადი ფუნქციები: ბეჭდვა, ასლი, სკანირება; 2. ტექნოლოგია: ლაზერული, მონოქრომული; 3. მართვის სენსორული ფერადი პანელი: 10.1 inch"; 4. ოპერატორული მენიუსები: 3 გზა; 5. მყარი დისკი: 250 გზა; 6. ინტერფეისები: 6.11000Base-T/100Base-T; 6.2 2x USB 2.0, 1x USB 3.0; 7. ბეჭდვის ფორმატი: A4; 8. დასაბეჭდი ფურცლების რაოდენობა: 8.1 სტანდარტული: 650 ფურცელი; 9. ბეჭდვის სიჩქარე: 52 გზა/წთ; 10. ბეჭდვის რეზოლუცია: 1200x1200; 11. ორიზონტი ბეჭდვა: ავტომატური; 12. ასლის გადღების სიჩქარე: 52 გზა/წთ (A4); 13. ასლის გადღების რეზოლუცია: 600x600; 14. ასლების რაოდენობა: 999 ცალი; 15. სკანირების ტიპი: ავტომატური ფურცლის მიწოდებით; 16. ფერადი სკანირება: კი; 17. სკანირების სიჩქარე: 100 გზა/წთ (A4); 18. სკანირების რეზოლუცია: 600x600; 19. First copy out: 5 წამი; 20. სკანირებული ფაილის ფორმატები: PDF; 21. სკანირების ფუნქციები: ავტომატური დეტექტირება. A4 ფორმატის მავ-თეთრი კოპირის კომპლექტში მოყვება 2 (ორი) ცალი კოპირის მწარმოებლის მავი კარტრიჯი, თითოეული 51 000 გზა/წთ ბეჭდვის რეზოლუციით; დრამი არის ინტეგრირებული კარტრიჯში და ლამაზებით არ საჭიროებს	21	8040	168840
სულ ჯამი:						
						383139.96

ფასები მოცემულია ლარში დღგ-ს ჩათვლით

მწოდების/მოქსახურების გაწევის/საბუღალტრო მსახურების გაღება : ხელშეკრულების ძალაში შესვლიდან 40 (ორმოცი) კალენდარული დღე. მოქსახურების ობიექტის (თანმდევრი მოქსახურებით - მოქსახური) მიწოდების ადგილი: ქ. თბილისი, გ. მარტავას ქ. N7.

შემოთავაზებულ კოპირებზე მოქმედებს მწარმოებლის მიერ გაცემული 2 (ორი) წლიანი საგარანტიო ვადა. საბოლოო მიღება-ჩაბარების აქტის გაფორმებიდან. შემოთავაზებული საქონელი არის ახალი და უნაკლო.

საგარანტიო ვადაში შესყიდვის ობიექტის მიერ გამოვლენილი წუნის/ზარევის/დუფეტის შემთხვევაში, მკს „ალტა“ ვალდებულია შემყიდვლის დაავადებიდან 15 (თხუთმეტი) კალენდარული დღის ვადაში საქონელი შეაქვას ან შეცვალოს ახლით.

საგარანტიო ვადის პერიოდში შესყიდვის ობიექტის შეკეთება განხორციელდება კომპანია Canon-ის მიერ საქართველოში ავტორიზირებულ სერვის ცენტრში, რომელიც მდებარეობს ქ.თბილისი, ბელიაშვილის ქ. #104, ტელ: 2 42 22 15

წუნის/დუფეტის/ზარევის/მწყობრიდან გამოსვლის გამო შეკეთების ან ახლით შეცვლის შემთხვევაში, შესყიდვის ობიექტის ტრანსპორტირებას უზრუნველყოფს მიმწოდებელი.

მიწაქაში განხორციელდება შემოთავაზებული კოპირების მწარმოებლის სერტიფიცირებული კადრის მიერ - მურამ ბაჩელაშვილი (3/6 - 01030014645)

მკს "ალტა"-ს დირექტორი

კახა ქოველიძე

2 აპრილი, 2020 წ



267/102-01

საბანკო გარანტია # 71566-10938376

2020 წლის 13 აპრილი

ქალაქი თბილისი

სს "თიბისი ბანკი", წარმოდგენილი ეკა ფავლენიშვილის მიერ, მოქმედებს რა წესდებისა და საქართველოს კანონმდებლობის საფუძველზე, გასცემს წინამდებარე გამოუთხოვად გარანტიას ქვემოთ წარმოდგენილი ძირითადი პირობებით:

გარანტი:

სს "თიბისი ბანკი"

პრინციპალი:

შპს ალტა

საიდენტიფიკაციო ნომერი: 211380691

ბენეფიციარი:

ქალაქ თბილისის მუნიციპალიტეტის მერია

გარანტიის თანხა:

9,578.50 (ცხრა ათას ხუთას სამოცდათვრამეტი ლარი და 50 თეთრი) ლარი

გარანტიის გაცემის საფუძველი:

"ბენეფიციარს" და "პრინციპალს" შორის ფორმდება ხელშეკრულება, რომელიც ითვალისწინებს A3 ფერადი და A4 შავ-თეთრი კოპიერების (თანმდევ მომსახურებით - მონტაჟი) სახელმწიფო შესყიდვას (ტენდერის ნომერი: NAT200006214) (შემდგომში "ხელშეკრულება"). პრინციპალის მიერ ბენეფიციარს წინაშე ხელშეკრულებით ნაკისრი ვალდებულებების შესრულებას უზრუნველსაყოფად საჭიროა საბანკო გარანტიის გაცემა.

გარანტიის თანხის მოთხოვნის უფლება:

"გარანტი" კისრულობს უპირობო (რაც გულისხმობს, რომ საგარანტიო თანხას ანაზღაურების შესახებ ბენეფიციარის წერილობით მოთხოვნაში მითითებულ უნდა იყოს თუ რაში გამოიხატება პრინციპალის მიერ ვალდებულების დარღვევა, მოთხოვნისა და/ან მოთხოვნილი თანხის ყოველგვარი დასაბუთების და ყველანაირი დამატებითი დოკუმენტაციის წარდგენის ვალდებულების გარეშე) და გამოუთხოვად ვალდებულებას, ამ საბანკო გარანტიის წერილის პირობების გათვალისწინებით, პირველივე წერილობითი მოთხოვნის მიღებიდან 5 (ხუთი) სამუშაო დღის ვადაში "ბენეფიციარს" გადაუხადოს მოთხოვნაში მითითებული თანხა, მაგრამ არაუმეტეს გარანტიის თანხისა

1. სამუშაო დღე - კალენდარული დღე, გარდა შაბათისა, კვირისა და საქართველოს კანონმდებლობით განსაზღვრული უქმე დღეებისა.

ბენეფიციარმა წერილობით მოთხოვნაში (რომელიც ხელმოწერილი უნდა იყოს უფლებამოსილი პირის მიერ) აუცილებელი წესით უნდა მიუთითოს ამ გარემოების შესახებ თუ რაში გამოიხატება პრინციპალს მიერ ვალდებულების დარღვევა.

წერილობითი მოთხოვნა, წარდგენილ უნდა იქნეს სს "თიბისი ბანკი" კანცელარიაში (მისამართი: მარჯანიშვილის ქ. 7, 0102 თბილისი, საქართველო) სამუშაო საათებში.

გარანტიის მოქმედების ვადა:

2020 წლის 29 ივნისის ჩათვლით.

მოთხოვნა გარანტიაზე გადახდის შესახებ "ბენეფიციარმა" მიერ წარმოდგენილ უნდა იქნას ამ თარიღის ჩათვლით.

თუ წინამდებარე საბანკო გარანტიის მოქმედების ვადაში არ იქნა წარმოდგენილი "ბენეფიციარის" წერილობითი მოთხოვნა წინამდებარე საბანკო გარანტიით გათვალისწინებული პირობების შესაბამისად, მაშინ გარანტიის მოქმედება წყდება (ბენეფიციარის მოთხოვნის წარმოდგენილობის შემთხვევაში საბანკო გარანტია ავტომატურად უქმდება მისი მოქმედების ვადის გასვლით).

საბანკო გარანტია ზემოაღნიშნულის გარდა ასევე უქმდება შემდეგ შემთხვევებში:

- ბენეფიციარისთვის იმ თანხის გადახდით, რომელზედაც გაიცა გარანტია;
- ბენეფიციარის მიერ გარანტიიდან გამომდინარე საკუთარ უფლებებზე წერილობითი უარის თქმით და საბანკო გარანტიის დედნის გარანტისთვის დაბრუნებით;
- პრინციპალის მიერ საგარანტიო ვალდებულებების სრულად შესრულებით, რომელიც წერილობით დადასტურებული უნდა იქნას ბენეფიციარის მიერ.

საბანკო გარანტიის თაობაზე წამოჭრილი ყველა დავის გადაწყვეტა მოხდება ურთიერთმოლაპარაკების გზით. შეთანხმების მიუღწევლობის შემთხვევაში დავა განიხილება საქართველოს კანონმდებლობის შესაბამისად.

სს "თიბისი ბანკის" წარმომადგენელი

ეკა ფავლენიშვილი




ხელწერილი
ინტერესთა კონფლიქტის არარსებობის შესახებ

ქ. თბილისი

ქვემოთ ხელის მოწერნი ვადასტურებთ, რომ A3 ფერადი და A4 შავ-თეთრი კოპირების (თანმდევი მომსახურებით - მონტაჟი) სახელმწიფო შესყიდვის ელექტრონულ ტენდერში (აუქციონის გარეშე) (სატენდერო განცხადება: NAT200006214) გამარჯვებულ პრეტენდენტთან (შპს „ალტა“) მიმართებაში ჩვენი მონაწილეობა არ ეწინააღმდეგება „სახელმწიფო შესყიდვების შესახებ“ საქართველოს კანონის მე-8 მუხლის მოთხოვნებს და ტენდერში მონაწილეობით ინტერესთა კონფლიქტში არ ვიმყოფებით.

შემსყიდველის მხრიდან ხელშეკრულებით ნაკისრი ვალდებულებების შესრულების კონტროლი (ზედამხედველი):

ქ. თბილისის მუნიციპალიტეტის მერიის ადმინისტრაციის
ლოჯისტიკის სამსახურის მეორადი სტრუქტურული ერთეულის
ხელმძღვანელი (სამსახურის უფროსის მოადგილე)




ნოდარ სირბილაშვილი

გიორგი ქვაჩაია

ქ. თბილისის მუნიციპალიტეტის მერიის ადმინისტრაციის
ლოჯისტიკის სამსახურის მატერიალურ - ტექნიკური
უზრუნველყოფის განყოფილების მეორადი სტრუქტურული
ერთეულის ხელმძღვანელი (განყოფილების უფროსი)

ქ. თბილისის მუნიციპალიტეტის მერიის ადმინისტრაციის
ლოჯისტიკის სამსახურის მატერიალურ-ტექნიკური უზრუნველყოფის
განყოფილების მეორე კატეგორიის უფროსი სპეციალისტი



ნოდარ მერკვილიშვილი